

ՎԱՀՐԱՄՅԱՆՆԵՐԻ ԻՃԵԱՆՈՒԹՅՈՒՆԸ ՄՈՆՂՈՒՆԵՐԻ ՀԵՏԱԽՈՒՋԱԿԱՆ
ԱՐՇԱՎԱՆՔԻ ԵՎ ԶԱԼԱԼ ԷԳ-ԴԻՆԻ ՆՎԱՃՈՒՄՆԵՐԻ ԺԱՄԱՆԱԿ

ԱՐՏԱՇԵՍ ՇԱՀՆԱՋԱՐՅԱՆ

XII դ. վերջում և XIII դ. սկզբում Զաքարյան ավատական տան մի ճյուղը ներկայացնող Վահրամյաններին հաջողվեց ստեղծել Պատմական Հայաստանի Տավուշ, Գարդման, Շակաշեն և Փառխոս գավառները մասամբ կամ ամբողջությամբ ընդգրկող հզոր իշխանություն՝ Գարդման, Սագիմ, Քարհերձ, Երզնվանք, Տերունական, Տավուշ, Կածարեթ, Քավաղին և Գագ բերդերով հանդերձ¹։ Վահրամյաններին էր պատկանում նաև առևտրատնտեսական ու ստրատեգիական կարևոր նշանակություն ունեցող Շամքոր քաղաքը։ Այն 1216/1217 թ. ազատագրեց իշխան Վահրամ Գագեցին՝ իր մերձավոր ազգական Իվանե աթաբեկի օգնությամբ²։ Դրա շնորհիվ Վահրամյանների վերահսկողության տակ անցավ Արդաբիլ—Պարտավ (Բարդա)—Գանձակ—Շամքոր—Տփլիս մայրուղու մի զգալի հատվածը։ Այդ ճանապարհը Ատրպատականը Հյուսիսային Հայաստանի և Վրաստանի հետ կապող ամենակարճ ուղին էր և ուներ առևտրական ու ռազմական մեծ նշանակություն։ Շամքորի ազատագրմամբ Զաքարյաններին նաև հաջողվեց գրեթե վերականգնել Բագրատունիների (որոնց ժառանգորդներն էին համարում իրենց) թագավորության հյուսիսարևելյան սահմանները։ Դրանից հետո Գանձակի աթաբեկության հաշվին իրենց տիրույթներն ընդարձակելու Վահրամյանների քաղաքականությունը հետագա զարգացում չապրեց, քանի որ հակառակ դեպքում իրադարձություններին կմիջամտեր խորեզմշահ Մուհամմադը (1200—1220)։ Բանն այն է, որ ի վիճակի չլինելով դիմագրավել ներքին և արտաքին թշնամիների գնալով սաստկացող ճնշմանը, Գանձակի էլիթուզյան վերջին աթաբեկ Ուզբեկը

¹ Կիրակոս Գանձակեցի, Պատմություն Հայոց, աշխատասիրությամբ Կ. Ա. Մելիք-Օհանջանյանի, Երևան, 1961, էջ 163, 242—243, «Հաւաքումն պատմութեան Վարդանայ վարդապետի լուսաբանեալ», Վենետիկ, 1662, էջ 144—145, «Մաղաթիա արեղայի Պատմութիւն վասն ազգին նետողաց», ի լոյս էած Բ. Պ., Ս. Պետերբուրգ, 1870, էջ 5—8, «История и восхваления венценосцев», груз. текст перевел, предисловием и примечаниями снабдил проф. К. С. Кекелидзе, Тбилиси, 1954, с. 51, Шихаб ад-Дин Мухаммад ан-Насивн, Жизнеописание султана Джалал ад-Динна Манкуберн, Баку, 1973, с. 226, «Հայկական սովետական հանրագիտարանում» (հ. III, Երևան, 1977, էջ 676) նշված է, թե «Զաքարեի որդու... Շահնշահի ժառանգ Վահրամի Աբուլ-Զաքարե (Բուլզ Զաքարե—Ա. Շ.) որդուց առաջացավ Վահրամյան-Գագեցի տոհմը»։ Իրականում Վահրամյանների տոհմի հիմնադիր Վահրամը Զաքարե Ա-ի որդին է՝ մեծ Սարգսի եղբայրը։ Այս հարցի մանրամասն քննությունը տե՛ս Ասլան Շահնազարյան, Զաքարյան (Երկայնաբազուկ) տոհմի ծագումը, դաղթը դեպի Զորադեստ և նախորդները («Շողակաթ», Վազարշապատ, 1913, էջ 77), հմմտ. ՀՍՍՀ ԳԱ «Լրաբեր», 1974, № 4, էջ 103։

² Վահրամյանների իշխանությանը նվիրված մեր նախորդ հոդվածում հայկական աղբյուրների համադրմամբ եզրակացրել էինք, որ Շամքորը ազատագրվել է 1216/1219 թ. (ՀՍՍՀ ԳԱ «Լրաբեր», 1974, № 4, էջ 108, ծան. 29)։ Շամքորի ազատագրման տարեթվի ճշգրտման գործում էական նպաստ է բերում Զալալ էգ-Դինի անձնանուն քարտուղար ու պատմիչ ան-Նասիվին, որի հաղորդումների համաձայն Վահրամ Գագեցին Շամքորը կարող է ազատագրած լինել ոչ ոչ, քան 1217 թ. (an-Nasivn, с. 61)։

(1210—1225), թույլ ու անկարող մի անձնավորություն, 1217 թ. ստիպված էր բնդունել Մուհամմադի զերիշխանությունը: Դրա դիմաց խորհրդաձև մասնավորապես խոստանում է Ուզբեկին պաշտպանել վրացական պետության ոտնձգություններից: Մուհամմադը Գանձակի աթաբեկությունը հայտարարում է սեփական (խաս) տիրույթ և դեսպան ուղարկում Վրաստան՝ վրաց արքունիքին այդ մասին տեղյակ պահելու համար: Զրավարարվելով դրանով, Ուզբեկը խորհրդաձևին խնդրում է արշավել վրացական պետության վրա: Վերջինս որոշում է առիթն սգտագործել և այդ նպատակով իր հսկայական բանակից 50-հազարանոց ընտիր հեծյալ գործ է առանձնացնում: Սակայն այդ արշավանքը խափանվում է, որովհետև Մուհամմադը ստիպված է լինում շարժվել դեպի Լուդղադ: Ըստ երևույթին արշավանքի սպառնալիքը վրաց արքունիքին անհանգստություն էր պատճառել, որովհետև Մուհամմադի մոտ էր ուղարկվել թանկագին ընծաներով դեսպան, որը խորհրդաձևին Գանձակի աթաբեկության սահմաններում չցտնելով և անգամ տեսնելով, որ նա Վրաստան արշավելու փոխարեն շարժվում է դեպի Բաղդադ, հետ չի դառնում և Մուհամմադին հասնում է նրա՝ Զեյխունն անցնելուց հետո³: Դրանից հետո շուրջ 5 տարի, մինչև մոնղոլների կողմից Մուհամմադի ջախջախումը, հայ-վրացական զորքերը Գանձակի աթաբեկության վրա այլևս ոչ մի հարձակում չգործեցին: Հարձակումները վերսկսվեցին միայն 1222 թ., երբ հայ-վրացական զորքերը հասան Բայլական:

Նամրորի ազատագրմամբ Վահրամյանների իշխանությունը հասավ իր հզորացման պագաթնակետին թե՛ տարածքային, թե՛ ռազմական առումով: Դրանով, ինչպես և իր՝ Վահրամ Գագեցու անձնական հատկանիշներով պետք է բացատրել Գեորգի Լաշայի (1207/1213—1222) օրոք վրաց արքունիքում նրա ունեցած մեծ ազդեցությունը: «Վրաց ժամանակագրության» համաձայն, Վահրամ Գագեցին, որն ի դեպ վրաց արքունիքի մսախուրթ-ուխուցեսն էր (մի պաշտոն, որը նրան շնորհվել էր իբրև պատիվ), Իվանե աթաբեկի և մի քանի այլ իշխանների հետ միասին անգամ ընդվզում է Գեորգի Լաշայի դեմ՝ դժգոհելով նրա թեթևաբարո վարքագծից: Վրաց պատմիչի վկայությամբ, «Վրաստանի իշխանները, հույժ տխրած, հատկապես Իվանե աթաբեկն ու Զաքարիայի որդի Վահրամ Գագեցին, հրաժարվեցին արքունիքում գտնվելուց: «Գլուխ չենք տա,— ասացին նրանք — քո թագավոր լինելուն, եթե չբաժանվես շարագործ մարդկանց մտերմությունից և վատ սովորությունից, ինչ անում ես»: Թագավորը զղջաց և երդմամբ խոստացավ՝ ոչինչ չանել առանց նրանց խորհրդի»⁴: Այս իրադարձությունը, որ ակադ. Մ. Բրոսսեն թվագրում է 1220-ում⁵, միաժամանակ վկայում է վրաց Բագրատունիների կենտրոնական իշխանության զգալի թուլացման մասին:

Զաքարյան ավատական տան մյուս երկու ավագ ճյուղերի նման Վահ-

³ АН-Насиби, с. 61.

⁴ «Վրաց ժամանակագրություն (1207—1318)», թարգմանությունը հին վրացերենից, առաջաբանը և ծանոթագրությունները Պարույր Մուրադյանի, Երևան, 1971, էջ 48:

⁵ M. Brosset, l' Histoire de la Georgie, t. I. 2, St.-Petersbourg, 1851, p. 92, n. 2. Եթե Ստեփանենոս եպիսկոպոսի այն հաղորդումը, որ Գեորգի Լաշայի որդի Եավթեբ ծնվել է 1216 թ. (սխալ ժամանակագրություններ, հ. I, կազմեց՝ Վ. Ա. Հակոբյան, Երևան, 1951, էջ 38) նիյտ է, ապա Մ. Բրոսսենի թվագրումը սրբագրելի է, քանի որ համաձայն «Վրաց ժամանակագրության» (էջ 48—49) Գեորգի Լաշան ամուսնացել է այս իրադարձությունից հետո:

րամյաններին էին ենթարկվում որոշ մանր իշխանություններ: Այդ մասին արժանահավատ տեղեկություններ են հաղորդում Կիրակոս Գանձակեցին և Վարդան Արևելցին, խոսելով մոնղոլների կողմից Վահրամ Գագեցու տիրույթների գրավման և ապա դրանք նրան վերադարձնելու հետ կապված իրադարձությունների մասին: Նրանցից առաջինը գրում է. որ մոնղոլները «յարձակեցան ի վերայ... բերդիցն՝ ուր ընդ իշխանութեամբն Վահրամայ, ի Տէրունականն, և ի յերգեվանքն, և ի Մաժնաբերդ, զոր ունէր Կիրիկէ Բագրատունի, որդի Աղուարանայ... Բայց այնոքիկ, որ առին զՇամքոր, եկին... ի Տաուշ, ի Կածարեթ և ի Նոր բերդն և ի Գագ...»⁶: Իսկ Վարդան Արևելցին, նկարագրելով մոնղոլների կողմից Վահրամ Գագեցու տիրույթները նրան վերադարձնելը, գրում է. «ապա եկեալ (Վահրամ Գագեցին — Ա. Շ.) առնոյր զառեալն ի նոցանէ զղղեակս և զգաւառն՝ որ սելյական լեալ էր նոցա ի հալսեմեաց. որ և զամենայն առեալ էին, զՏաուշ, զԿածարեթ, զՏերունականն, զԵրգեվանքն, զՄաժնաբերդ՝ ուր էր Կիրիկեանց Ասխարբանայ. զնոր բերդ՝ ուր էր Վասակայ քաղաւորագնին. և զՔաւաղինն անմարտնչելի ամրոց, և զԳագ անուանի բերդ»⁷: Այսպիսով, վերը բերված սկզբնաղբյուրները հավաստում են, որ Նոր Բերդի և Մաժնաբերդի Կյուրիկյան իշխանությունները ենթարկվում էին Վահրամ Գագեցուն: Դժվար է որոշակի ասել, թե մեկական բերդերում և դրանց շուրջն ընկած ոչ մեծ տիրույթներում ամփոփված այս մանր իշխանությունները ե՞րբ են անցել Վահրամյանների գերիշխանության տակ: Միայն հայտնի է, որ Զարարյանները հյուսիս-արևելյան Հայաստանի բազմաթիվ շրջաններ սելջուկյան լծից ազատագրել են 1190—1210-ական թվականներին: Ընդ որում, Թեոփանի⁸ Իվանն աթաբեկի 1196—1199-ով թվագրվող վրացերեն շինարարական արձանագրությունը հավաստում է, որ նա Գետաբակը «Կեչառեցիների երկրի» և Նոր Բերդի հետ միասին նվաճել է 1190-ական թվականներին: Չնայած աղբյուրագիտական ուղղակի տվյալների բացակայությանը, պնդելի է, որ Մաժնաբերդը ևս նա է ազատագրել սելջուկյան լծից և XIII դ. սկզբներին Նոր Բերդի հետ միասին հանձնել Վահրամյաններին՝ ի տիրապետություն: Նկատենք նաև, որ Վահրամյանների իշխանության հոգևոր կենտրոնն էր Նոր Բերդի Կյուրիկյան իշխանության տարածքում գտնվող Նոր Վարագ վանքը⁹:

Վահրամյանների իշխանության մասին մեր ունեցած հետազա տեղեկությունները վերաբերում են մոնղոլների հետախուզական արշավանքի շրջանին: Մոնղոլներն առաջին անգամ Անդրկովկասում երևացին 1220 թ. վեր-

⁶ Կիրակոս Գանձակեցի, էջ 242—243 (այս և հետագա բնագրային ընդգծումները մերն են — Ա. Շ.):

⁷ Վարդան Արևելցի, էջ 145: Ռ. Մաթևոսյանը հակված է ընդունելու Վարդան Արևելցու վկայությունը, բայց որի խնդրո առարկա ժամանակաշրջանում Մաժնաբերդում իշխում էր Աղսարթանը (Ռ. Ի. Մաթևոսյան, Դիտողություններ Կյուրիկյանների պատմության վերաբերյալ («Պատմա-բանասիրական հանդես», 1966, № 3, էջ 207):

⁸ Չնայած Զաքարյան իշխանապետության պատմության լուսաբանմանը նվիրված մի շարք ուսումնասիրություններում նշվել է, որ Վահրամյաններից վասալական կախման մեջ էին գտնվում որոշ իշխանություններ, այդուհանդերձ կոնկրետ չի ասվել, թե որոնք էին դրանք: Մաժնաբերդի և Նոր Բերդի Կյուրիկյան իշխանությունների պատմությամբ զբաղվողները ևս չեն նշել, թե ում էին ենթարկվում դրանք:

⁹ Պարոնյր Մուրադյան, Հայաստանի վրացերեն արձանագրությունները, Երևան, 1977, էջ 119:

¹⁰ Կիրակոս Գանձակեցի, էջ 153:

սին, նրանց 20-հազարանոց զորաբանակի¹¹ արշավանքը ղեկավարում էին Զեքե Նոյինը և Սուրադայ բահատուրը: Լեյս արշավանքի նպատակների և բն-
թացքի սպառիչ քննությունը գիտելով մեր նպատակից դուրս¹², համառոտակի
նշենք միայն, որ Նախիջևանի մոտով Լերաքսն անցնելուց հետո մոնղոլներն
ընդհարվում են 10-հազարանոց հայ-վրացական զորաբանակի հետ և նրան
սլարտություն մատնելուց հետո մտնում Անդրկովկաս:

Տեսնելով, որ գործ ունեն ահեղ թշնամու հետ, Գեորգի Լաշան, աթաբեկ
Ուլբեկը և հյւթի ու Ջադիրի կառավարիչ ալ-Մալիք ալ-Լաշրաֆը փորձում են
համաձայնության գալ և համատեղ հետ մղել մոնղոլներին¹³։ Գեորգի Լաշան և
Ուլբեկը ժամանակավորապես մի կողմ դնելով թշնամությունը, դաշինք են
կնքում և որոշում ընդհանուր թշնամու դեմ հանդես գալ 1221 թ. գարնանը¹⁴,
հավանաբար, կարծելով, թե մոնղոլները ձմեռային պայմաններում գործողու-
թյունների շեն դիմի: Սակայն վերջիններս նախահարձակ են լինում և 1221 թ.
սկզբին ներխուժում վրացական պետության սահմանները: Ընդ որում, մոն-
ղոլներին էր միացել նաև Ուլբեկի մամլուկ վասալներից Նասիր ադ-Դին
Ակ-Կուշը՝ թուրքերից ու քրդերից կազմված իր հրոսակախմբով¹⁵։ «Ի սահ-
մանս Շամքոր քաղաքի»¹⁶ բանակած մոնղոլական հեծյալ գորքը վրացական
թագավորության սահմանները կարող էր ներխուժել (այն էլ ձմռանը) միայն
հարթավայրային շրջանով, այն է՝ Կուրի աջակողմյան դաշտավայրով, որտե-
ղով անցնում էր Շամքոր-Տփլիս ճանապարհը: Իսկ ինչպես արդեն նշվել է,
այդ ճանապարհի մի զգալի հատվածն անցնում էր Վահրամյանների իշխա-
նության տարածքով, այն էլ նրա ամենախտաբնակ կենտրոնական մասով:
Եվ իսկապես, ինչպես նշում է վրաց պատմիչը, մոնղոլները «հասան Վրաս-
տանի սահմաններին, սկսեցին ասպատակել Դագի երկիրը»¹⁷։ Նույնն է հա-
ղորդում Վարդան Լերեկցին, գրելով. «եկին (մոնղոլները — Լ. Շ.) մտին յեր-
կիրն Դուգարացոց առ դաշտաւայրօքն, ի կողմանցն Լեղուանից, իբրև թէ
քսան հազար. և կոտորէին պամենայն կենդանի՝ զորս գտանէին»¹⁸։ Վերոգր-
յալից պարզ է դառնում, որ մոնղոլները վրացական թագավորություն ներ-
խուժեցին Վահրամյանների իշխանության տարածքով: Վահրամ Գագեցին

¹¹ «Վրաց ժամանակագրությունը» մոնղոլական զորաբանակի թիվը հաշվում է 12 հա-
զար (էջ 55)։ որ ճիշտ չէ և այլ աղբյուրներով չի հաստատվում։

¹² Անդրկովկասում մոնղոլների մղած ուղղմական գործողությունների հետ կապված որոշ
հարցեր, շնայած դրանք քննությանը նվիրված բազմաթիվ ուսումնասիրությունների առկայու-
թյանը, դեռևս կարոտ են սպառիչ հետազոտության կամ էլ վերանայելի են: Դա մեծ մասամբ
պայմանավորված է այն իրողությամբ, որ ժամանակի աղբյուրները (թե՛ հայ-վրացական և թե՛
սլավոնա-արաբական) այդ իրադարձությունների գրեթե բոլոր կարևոր դրվագների մասին
եղած իրարամերձ տեղեկություններ են հաղորդում, կամ էլ այս կամ այն կարևոր դեպքի մա-
սին զարմանալիորեն լռում են:

¹³ «Материалы по истории Азербайджана из Тарых-ал-Камиль Ибн ал-Аспра»,
Баку, 1940, с. 137, Рашид ад-Дин Сборник летописей, т. I, кн. II, М.—Л., 1952,
с. 226.

¹⁴ Ибн ал-Аспр, с. 137—138.

¹⁵ Նույն տեղում:

¹⁶ Կիրակոս Գանձակեցի, էջ 202.

¹⁷ «Վրաց ժամանակագրություն», էջ 55.

¹⁸ Վարդան Լերեկցի, էջ 142.

որի իշխանությունը վրացական թագավորության 7 սահմանադրական կուսակալություններից մեկն էր, պարտավոր էր հետ մղել թշնամուն և դրանով իսկ խանգարել նրա ներթափանցումը երկրի խորքը՝ Սակայն, ինչպես արդեն տեսանք, դա նրան չէր հաջողվել, որովհետև մոնղոլներն անգամ հասել էին «յերկիրն Գուգարացոց»։ Զգալով, որ ի վերու չէ սեփական ուժերով հետ շարտել մոնղոլներին, որոնք իր իշխանությունում «կոտորէին զամենայն կենդանի՝ զորս գտանէին»։ Վահրամ Գագեցին ի վանե աթաբեկի հետ միասին Գեորգի Լաշային տեղյակ է պահում «Սոմխեթն ավերելու եկած անծանոթ լեզվով խոսող օտար ցեղերի մասին»¹⁹։ Լսելով մոնղոլական ներխուժման մասին, Գեորգի Լաշան «գումարեց իննսուն հազար զորք, և ուղևորվեցին Գագի սահմանագլխին գտնվող թաթարների (մոնղոլներին— Ա. Շ.) կողմը։ Այն կողմից մեծ զորքով միացան ի վանե աթաբեկն ու եղբորորդին՝ ամիրսպասալար Զաքարիայի որդի Շանշեն (Շահնշահ—Ա. Շ.) և մսախուրթ-ուխուցես Վահրամ Գագեցին, և ուղևորվեցին»²⁰։ Վարդան Արևելցու հաղորդումներից հրեում է, որ, հավանաբար, լսելով հայ-վրացական զորքերի մոտենալու մասին, մոնղոլները «... փութով դառնային։ Զորոց հետ մտեալ ամենայն ուժով լաշն՝ (Գեորգի Լաշան—Ա. Շ.) հասանէ...»²¹։ Զարմանալի է, բայց փաստ է, որ ըստ հայկական աղբյուրների և «Վրաց ժամանակագրության», հայ-վրացական և մոնղոլական զորքերի միջև տեղի է ունեցել միայն մեկ ճակատամարտ, այն էլ տարբեր տեղերում։ Այսպես, օրինակ, Ստեփաննոս Եպիսկոպոսն իր «Տարեգրության» մեջ մոնղոլների այս արշավանքի մասին հիշատակում է երկու անգամ։ Առաջին անգամ նա գրում է. «ՈՅԲ (1203) թին քաբա, Սաբա բահատուրն եկն ի տփսեաց [տու]նն, զՍախոտէ աւիրեաց և դարձավ։ Զորն վրաց ի հետ գնաց և ի Կոտմանա կոտորեաց և բարձոյց»²²։ Երկրորդ անգամ նա հաղորդում է. «ՈԿԹ (1220) թին... զթաթարն (մոնղոլները—Ա. Շ.) վրացին կոտորեաց ի Կոտմանա (Կոտմանա—Ա. Շ.) ջրին»²³։ Այսպի-

19 «Վրաց ժամանակագրություն», էջ 55։

20 Նույն տեղում, էջ 55—56։

21 Վարդան Արևելցի, էջ 142։

22 «Մանր ժամանակագրություններ», հ. 1, էջ 37։ Վ. Հակոբյանի կարծիքով «Սախոտեն» հավանաբար Տփլիսից հարավ-արևմուտք գտնվող Սախաթե բերդն է (նույն տեղում, էջ 53, ծան. 14), որ մեր կարծիքով ճիշտ է։

23 Նույն տեղում, էջ 38։ Այս վկայություններից առաջինի մասին Վ. Հակոբյանը գրել է. «սույն վկայությունը, անկասկած, չի վերաբերում դեպի Անդրկովկաս Սուբութայի և Զեբեյի զինավորած մոնղոլների առաջին արշավանքին, այլ ինչ որ եղելությունների արձագանք են, որոնց մասին մեզ առայժմ ուրիշ բան հայտնի չէ» (նույն տեղում, էջ 53, ծան. 14)։ Նման եզրահանգսան կռվան կարող է լինել միայն վկայության ՈՅԲ (1203) թվագրումը, որովհետև խնդրո առարկա արշավանքը տեղի է ունեցել 1220—1223 թթ.։ Սակայն նկատենք, որ Մխիթար Այրիվանեցին և Գրիգոր Ականացին ևս այս արշավանքը թվագրում են ոչ թե 1220-ով, այլ համապատասխանաբար 1211—1221-ով և 1214-ով («Մխիթարայ Այրիվանեցու Պատմութիւն ժամանակագրական», ի լոյս էած Ք. Պ., Ս. Պետերբուրգ, 1867, էջ 80, Մաղաթիա արեղա, էջ 6)։ Ի դեպ, Ք. Պատկանյանը Գրիգոր Ականացու մոտ հանդիպող ՈԿԹ (1214) թվականը հարկ է համարում սրբագրել ՈԿԹ (1220), («История монголов эпоха Магакки, XIII века», перевод и объяснения К. П. Патканова, СПб., 1871, с. 64, стр. 8)։ Ամենայն հավանականությամբ Ստեփաննոս Եպիսկոպոսն օգտվել է մոնղոլների հետախուզական արշավանքն արձանագրող երկու տարբեր աղբյուրներից և դրանք անաղարտ մոժել իր «Տարեգրության» մեջ։

սով, Ստեփաննոս Լպիսկոպոսը հիշատակում է միայն մեկ ճակատամարտ, այն էլ Կոտմանում, նույնն են հաղորդում նաև Սնանուն Սեբաստացին, Վսրդան Արևելցին, Գրիգոր Ականացին և Մխիթար Այրիվանեցին²⁴։ Կիրակոս Գանձակեցին ու «Վրաց ժամանակագրությունը» ևս հիշատակում են միայն մեկ ճակատամարտ։ Սակայն նրանցից առաջինը ճակատամարտի վայրը տեղագրում է Խունանի (=Հունարակերտ) դաշտավայրում, իսկ երկրորդը՝ «Բերդուշի, որ այժմ Սադիմ է կոչվում գետափին»²⁵։ Հայ-վրացական աղբյուրներում նկատվող այս հակասությունը հաջողվել է հարթել Լ. Բաբայանին։ Վերոհիշյալ աղբյուրները սլարոսկա-արաբականի հետ համադրելու ճանապարհով նրան հաջողվել է պարզել, որ մոնղոլների հետախուզական արշավանքի ժամանակ հայ-վրացական և մոնղոլական զորքերի միջև տեղի է ունեցել 3 ճակատամարտ, առաջինը մոնղոլների՝ Սրաքսն անցնելուց հետո, երկրորդը՝ Կոտմանի դաշտում՝ Տերունական բերդի մոտ, իսկ երրորդը՝ Խունանի դաշտավայրում²⁶։

Տերունական բերդի և Կոտման գետի ու դաշտի տեղագրության մասին մեկ դարից ավել է, ինչ կովկասագիտության մեջ տարբեր կարծիքներ են հայտնվում։ Դրա պատճառներից մեկն էլ այն է, որ վերը նշված ճակատամարտերից վերջին երկուսը նույնացվելու հետևանքով հետազոտողները ստիպված են եղել հաշտեցնել աղբյուրների իրարամերժ տեղեկությունները առանց դրանք համեմատական քննության ենթարկելու։ Մ. էմինը, օրինակ, Տերունականը տեղագրել է «Շամքոր քաղաքի սահմաններում»²⁷, Հ. Հյուբշմանը՝ «յուտի»-²⁸, իսկ Ղ. Ալիշանը՝ մեկ «մերձ Աղստե գավառ Սուտիոյ», մեկ՝ Արցախում²⁹։ Բ. Պատկանյանը սկզբում Կոտմանը և Սադիմը դիտել է տարբեր գետեր և կարծել, թե Կոտմանը գուցե և Գուրան-չայն է³⁰։ Երկու տարի անց նա վերանայել է իր կարծիքը և գրել. «Մաղաքիայի մոտ հանդիպող Սադիմն ամենայն հավանականությամբ այժմյան Զազամն է... Կոտմանը և թե նույն Զազամը չէ, ապա մեկն է Շամքորից արևմուտք՝ աջ կողմից Կուրը թափվող գետակներից»³¹։ Վախուշտին Սադիմ գետը նույնացրել է Աղստեի հետ³², Դա ճիշտ չէ թեկուզ այն պատճառով, որ խնդրո առարկա ճակատամարտը տեղի է ունեցել Վահրամյանների տիրույթներում, մինչդեռ Աղստեի շրջանը պատկանում էր Իվանե աթաբեկին։ Մ. Բարխուտարյանցը Տավուշ գետի ավին, այժմյան Ադրբեջանական ՍՍՀ Թովուզի շրջանի Օքսուզլու գյու-

24 «Մանր ժամանակագրություններ», հ. II, կադմեց՝ Վ. Ա. Հակոբյան, Երևան, 1956, էջ 137, Վարդան Արևելցի, էջ 142, Մաղաքիա արեղա, էջ 5—6, Մխիթար Այրիվանեցի, էջ 80։

25 Կիրակոս Գանձակեցի, էջ 203, «Վրաց ժամանակագրություն», էջ 56։

26 Լ. Հ. Բաբայան, Հայաստանի սոցիալ-տնտեսական և քաղաքական պատմությունը XIII—XIV դարերում, Երևան, 1964, էջ 166—180։

27 «Всеобщая история Вардана Великого», перевел И. Эмин с примечаниями и приложениями, М., 1861, с. 158, пр. 593։

28 — Հյուբշման, Հին հայոց տեղվոց անունները, Վիեննա, 1907, էջ 413։

29 Վարդան Արևելցի, էջ 145, ժան. 4, Ղ. Ալիշան, Հայաստանում, Վենետիկ, 1901, էջ 455, ժան. 1։

30 «История монголов эпоха Магакии, XIII века», с. 64, пр. 8։

31 «История монголов по армянским источникам», перевод и объяснения К. П. Патканова, СПб., 1873, с. 70, пр. 3։

32 «Հայտնի լինելը», Ե. IV, տծ., 1973, 83, 316։

ղի մոտ գտնվող բերդատեղի «Դրոկյան» անվանումը միայն հիմք ընդունելով, այն նույնացրել է Տերունականի հետ³³։ Այս եզրահանգումը ևս անընդունելի է։ Նախ, «Դրոկյանի» խիստ կտրտված շրջակա տեղանքն իսպառ բացահույժ է թվում մի քանի տասնյակ հազարի հասնող (այն էլ՝ հեծյալ) զորքերի ճակատամարտի հնարավորությունն այնտեղ։ Երկրորդ, «Դրոկյանը» Տերունականը համարելով՝ պիտի ընդունենք, որ Տավուշը Կոտմանն է, այն դեպքում, երբ հայ մատենագրության մեջ Տավուշը հորհրդ Կոտման չի կոչվել։ Հետևելով Մ. Բարխուտարյանցին, ակադ. Հ. Մանանդյանը գրել է. «Այս Կոտման գետը ոչ թե Ջևանշիր գավառի հյուսիսակողմում գտնվող Գուրան լայն է, ինչպես այդ ենթադրել են Բրոսսեն և Պատկանյանը (նկատի ունի վերջինիս սկզբնական ենթադրությունը — Ա. Շ.), այլ հավանորեն այժմյան Ռոուզ (Տավուշ — Ա. Շ.) գետն է, որի ձախ կողմում Օքսուզլու գյուղի մոտ գտնվում էր, Մ. Բարխուտարյանցի կարծիքով, Տերունական բերդը»³⁴։ Ի. Զավախիշվիլին 1923 թ. հրատարակած Վրաստանի պատմական քարտեզում Սագիմը (= Բերդուշ) նույնացրել է Դերեդ գետի հետ, հավանաբար, ելնելով Վախուշտիի այն հաղորդումից, որ Բերդուշը հայտնի է նաև Դերեդ անվամբ³⁵։ Հակադրվելով նրան, Լ. Մելիքսեթ-Բեկը գրել է. «Սագիմը թերևս այժմյան Զեզամ գետն է... և ոչ թե Դերեդն (Դերեդա-լայն) ինչպես մինչև այժմ կարծում էին»³⁶։ Ստեփաննոս Եպիսկոպոսի «Տարեգրության» հրապարակման առթիվ Վ. Հակոբյանը ևս անդրադարձել է Կոտմանի տեղագրության հարցին։ Ընդ որում, արդեն տեսանք, նա վրիպել է, Ստեփաննոս Եպիսկոպոսի կողմից մոնղոլների հետախուզական արշավանքի մասին 1203 թ. տակ դրված հիշատակությունը համարելով «այլ եղելությունների արձագանք»։ Հենց դա է պատճառը, որ նա Կոտմանն ու Կոտմանա ջուրը համարել է տարբեր գետեր ու համասլառասխանաբար ծանոթագրել, պատմական Կոտմանը գտնվում է այժմյան Նոյեմբերյանի շրջանում և կոչվում է Ինճա-լայ (Բարակ գետ)», «բնագրի Կոտմանա ջուրը, ենթադրում ենք, որ պետք է լինի Կուրակ-լայը»³⁷։ «Հայաստանի բերդերը» սխալաշատ աշխատության մեջ Մ. Հովհաննեսյանը Տերունականը մեկ տեղագրում է Տավուշի ափին, մեկ Աղստևի³⁸։ Վրաց հետազոտող Ն. Շոշիաշվիլին, Կոտմանի և նույնանի ճակատամարտերը նույնացնելով հանդերձ, գրել է. «Բերդուշը, Սագիմը և Կոտմանը, եղել են միևնույն գետի անունները, հնարավոր է տարբեր ժամանակներում...։ Ինչպես երևում է, այստեղից էլ մոտիկ է եղել նույնանը, որի պատճառով էլ այս

33 Մ. Բարխուտարյանց, Արցախ, Բագու, 1895, էջ 358—359։

34 Հ. Մանանդյան, Քննական տեսություն հայ ժողովրդի պատմության, հ. 9, Երևան, 1952, էջ 183—184։ Հ. Մանանդյանը շփոթել է, Մ. Բրոսսեն վերագրելով նման կարծիք։ Վերջինս Հ. Մանանդյանի նշած աղբյուրում շատ որոշակի գրում է. «Կիրակոս... այս ճակատամարտը տեղագրում է նույնանում՝ Թիֆլիսի հարավում, մինչդեռ Կոտմանը գտնվում է Մցխեթի հյուսիսում» («Histoire chronologique par Mkhitar d' Airtvank, XIII-e s» traduite de l' armenien M. Brosset («Memoires de l' Acad. imp. des sciences de St.—Petersbourg», VII-e ser., t. XIII, № 5, St.—Petersbourg, 1869, p. 105)։

35 «ქართლის ცხოვრება», Դ. IV, թ. 306։

36 Լ. Մելիքսեթ-Բեկ, Վրաց աղբյուրները Հայաստանի և Հայերի մասին, հ. Բ, Երևան, 1936, էջ 63, ծան. 1։

37 «Մանր ժամանակագրություններ», Լ. I, էջ 52, ծան. 14, էջ 55, ծան. 28։

38 Միսայել Հովհաննեսյան, Հայաստանի բերդերը, Վենետիկ, 1970, էջ 50։

դաշտը կոչում էին *հունանի դաշտ*³⁹, *Կոտմանի* և *հունանի տեղադրության* քոլորովին այլ վարկած է առաջադրում Վրաստանի պատմական աշխարհադրության հարցերով զբաղվող Դ. Մուսխելիշվիլին, նա ճշնում է ապացույցել, որ *հունան* (= *Հունարակերտ*) բերդաքաղաքը գտնվել է ոչ թե *հրամի* և *Կուրի* գետախառնուրդում, ինչն արձանագրում են նաև վրացական աղբյուրները (*Վախուշտի*, *Սեխնիա Չխեիձե*), այլ *Տավուշ* գետի ստորին հոսանքի շրջանում, հնարավոր համարելով այն նույնացնել *Կըրյն* գյուղի մոտակայքում գտնվող *Թուփրախ-Կալա* հնավայրի հետ⁴⁰, Բացի այդ, նա ձգտում է ընթերցողին համոզել, թե *Կոտմանի դաշտավայրը*, որի մոտ գտնվում էր *Տերունականը*, *հունանի դաշտավայրն* է՝ Իր այս նպատակադիր վարկածը հիմնավորելու համար Դ. Մուսխելիշվիլին հենվում է երկու հիմնական կոմանների վրա։ Դրանցից առաջինը *Կոտմանի* և *հունանի* ճակատամարտերի անընդունելի նույնացումն է, իսկ մյուսը՝ *Տերունականի տեղադրության* մասին Մ. Բարխուտարյանցի արդեն հերքված ենթադրությունը՝ *Ելնելով* այս հիմնադուրկ կոմաններից, Դ. Մուսխելիշվիլին գրում է. «պարզվում է, որ պատմական աղբյուրների Կոտմանը այժմյան *Թովուշ-չայն* (*Տավուշը* — Մ. Շ.) է, որը հոսում է *Ջեգամ-չայից* արևմուտք, նրան ղուգահեռ, Կոտմանի դաշտավայրն էլ, այսինքն *հունանի* դաշտավայրը, պետք է լինի այդ գետերի ստորին հոսանքի ցածրավայրը, որտեղ *Կուրի* ափին գտնվել է *հունանը* (*Հունարակերտը*)»։ Նման անտրամաբանական եղրակացության հանգելիս Դ. Մուսխելիշվիլին անտեսում է մի բանի հանգամանք, նախ, հայկական աղբյուրները որոշակիորեն տարբերում են *հունանի* և *Կոտմանի դաշտավայրերը* և, հետևաբար, դրանք չի կարելի նույնացնել։ Երկրորդ, ի՞նչն է *հունանի* (= *Հունարակերտ*)՝ Դ. Մուսխելիշվիլու առաջարկած տեղադրությունը, ապա Վահրամյաններին ի տիրապետություն կհանձնենք մի բերդաքաղաք, որը ինչպես վրացական, այնպես էլ հայկական աղբյուրների միահամուռ վկայությամբ երբեք նրանց չի պատկանել։ Մինչդեռ, նկարագրելով Կոտմանի ճակատամարտը, Վարդան Արևելցին միանշանակաբար որոշակի նշում է, որ այն տեղի է ունեցել Վահրամ Գագեցու տիրույթներում⁴²։ Եվ վերջապես, Դ. Մուսխելիշվիլու խոսքերով ասած, «հին Աղվանքի պատմական աշխարհադրության ուսումնասիրության համար շատ բան արած»⁴³ Մ. Բարխուտարյանցն իր նույն «Արցախ» աշխատության 398—399 էջերում *Հունարակերտը* տեղադրում է «*Կուր* և *հրամ* գետերի մեջ», մի բան, որը փորձում է փնտրել Դ. Մուսխելիշվիլին, նկատենք նաև, որ այնպիսի հեղինակավոր հրատարակություն, ինչպիսին է «Վրաստանի պատմության ակնարկները», գտնում է, որ մոնղոլներն իրենց հետախուղական արշավանքի ժամանակ

³⁹ გ რ ი გ თ ა კ ა ნ ე ლ ი, მონღოლთა ტომის ისტორია, გაბონცა ნ. 'ბ ი თ მ ი ა მ ე ლ ი ს, თბ., 1961, გვ. 92—93, მამ. Գևորգ Արևելցის, Մոնղոլները և նրանց արշավանքները, Վաղարշապատ, 1913, էջ 17։

⁴⁰ Д. Л. Мусхелишвили, К вопросу о локализации Хунана (Хнаракерта), («Археологические памятники феодальной Грузии», т. II, Тбилиси, 1974, с. 275—277). Мусхелишвили Давид Левонovich, Историческая география древней Грузии (с древнейших времен до VI в. н. э.), (автореферат докторской диссертации, Тбилиси, 1979, с. 35).

⁴¹ «Археологические памятники феодальной Грузии», т. II, с. 276—277.

⁴² Վարդան Արևելցի, էջ 142։

⁴³ «Археологические памятники феодальной Грузии», т. II, с. 276.

վրացական զորքերի հետ բախվել են հրեք՝ անգամ⁴⁴ և ոչ թե մեկ, ինչպես փորձում է ներկայացնել Դ. Մուսխիշվիլին։ Ի դեպ, այդ գրքի «Վրացական պետությունը XIII դարի սկզբին» ներդիր քարտեզի համաձայն Հունարակերտը գտնվելիս է եղել հրամի և Կուրի գետախառնուրդում, որը միանգամայն ճիշտ է և անհերքելի։

Վերջերս Կոտմանի տեղադրությանն անդրադարձել է նաև Զ. Բունիյաթովը։ Իր «Աղբյուրների աթաբեկների պետությունը» տեղեկանքի ող և կեղծիքների վրա լիցուն գրքում, մերժելով Ա. Գալստյանի այն ենթադրությունը, թե Կոտմանն այժմյան Տավուշն է⁴⁵, նա այն մերկապարանոց հայտարարությունն է անում, որ իբր թե «Կոտմանի դաշտը, Կոտման գետը ոչ այլ ինչ է, եթե ոչ Գարդմանի աղավաղված անվանումը, Գարդման գետը Շամքոր-չայի, որը թափվում է Կուր գետը, աջ վտակն է»⁴⁶։ Նման հորահանգումը, բացի հայերենի հնչյունափոխության տարրական օրենքների մասին Զ. Բունիյաթովի անտեղյակությունից, վկայում է, որ նա բացարձակապես անծանոթ է ժամանակի հայկական աղբյուրներին։ Բանն այն է, որ համաձայն Գրիգոր Ականացու և Վարդան Արևելցու հավաստի հաղորդումների, Վահրամ Գագեցին մոնղոլներին մինչև Լրեկո կոտորելով ու հետապնդելով է հասել Գարդման⁴⁷, ուր գտնվում է Գարդման գետը, որը Զ. Բունիյաթովը նույնացնում է Կոտմանի հետ։

Ի վերջո, ո՞րն է Կոտման գետը։ Այս հարցի լուծման բանալին, մեղ բնական է, Գրիգոր Ականացու հաղորդումն է այն մասին, որ խնդրո առարկա ճակատամարտը տեղի է ունեցել «ի դաշտն մեծ, որ կոչի Կոտման, որ կայ առաջի Տերունական բերդին», և որ Վահրամ Գագեցու հարձակման հետևանքով «լցաւ դաշտն Սագամայ կոտորեալ Տաթարով»⁴⁸։ Արդեն տեսանք, որ 4. «Պատկանյանը հանգել էր այն մտքին, թե Սագիմն ամենայն հավանականությամբ այժմյան Չագամն է, իսկ Կոտմանը եթե նույն Չագամը չէ, ապա մեկն է Շամքորից արևմուտք՝ աջ կողմից Կուրը թափվող գետակներից։ Նկատենք, որ արդեն XIII դ. Սագիմը հայտնի էր նաև Ջակամ (= Չագամ) անվամբ։ Այսպես, Վարդան Արևելցուն վերագրված XIII դ. «Աշխարհացոյցում» կարդում ենք. «Եւ բազում գաւառք ի կողմն հիւսիսոյ, որ կոչի Ջակամ, ուր կայ սուրբ հորանաշատ...»⁴⁹։ Հետևաբար, Սագիմ = Ջակամ = Չագամ համարժեքությունը կասկածից վեր է։ Մյուս կողմից, ինչպես նշվեց, Տավուշ = Կոտման նույնացումը միանգամայն անընդունելի է։ Վերահիշյալի հաշվառմամբ պետք է ընդունենք Կոտման = Սագիմ (= Չագամ) նույնացումը, քանի որ Սագիմից արևմուտք՝ դեպի Կուր հոսող առաջին գետը Տավուշն է, իսկ արևելքից առաջինը՝ Շամքորը։ Հետևաբար, հետազոտողներից Կոտմանի տեղադրության հարցին առավել ճիշտ են մոտեցել Ք. Պատկանյանը և Ն. Շո-

⁴⁴ «Աշխարհացոյցում օնոմոտոն ճորձցանք», Ծ. III, տծ., 1979, թ. 536.

⁴⁵ «Армянские источники о монголах», перевод с древнеармянского, предисловие и примечания А. Г. Галстяна, М., 1963, с. 114, пр. 81, հմտ. «Հայ ժողովրդի պատմություն», Դ. III, Երևան, 1976, էջ 601.

⁴⁶ З. М. Бунинятов, Государство атабеков Азербайджана (1136—1225), Баку, 1979, с. 115, пр. 9.

⁴⁷ Մ ա դ ա թ ի ա ա բ հ ա, էջ 6, Վ ա Ր դ ա ն Ա Ր Է Ե Լ Ե Յ ի, էջ 142.

⁴⁸ Մ ա դ ա թ ի ա ա բ հ ա, էջ 5, 6.

⁴⁹ «Աշխարհացոյց Վ ա Ր դ ա ն ա յ վ ա Ր դ ա պ ե տ ի», քննական հրատարակություն Հ ա յ կ Պ Ե Լ Ե Ր Յ ա ն ի, Փարիզ, 1960, էջ 17.

շխաշվիրին: «Հայ ժողովրդի պատմություն» ակադեմիական բազմահատոր-յակի III հատորի «Հայաստանը և հարևան երկրները 855—953 թթ.» ներդիր քարտեզում Տերունականը Սաղիմ (Ջակամ, Ջալամ) դեռի ամփին է տեղադրում նաև ակադ. Ս. Երեմյանը:

Ժամանակի աղբյուրներից Կոտմանի ճակատամարտն առավել մանրամասն է նկարագրել Գրիգոր Ականացին: Ահա այդ նկարագրությունն ամբողջությամբ. «և առեալ կորովի և մեծ իշխանն Վարհամ Վաչոյ թէն, և Իվանէ դժախտ, և յորժամ արձակեցան ի միմեանս այս ոճիրս գործեցաւ, որ դրեցաւ ի ձեռն անիծելոյն Համիդուլայ: Իսկ յորժամ ետես ազգն նետողաց զայսպիսի երկրոպառակութիւն ի նոսա, յայնժամ զօրացեալ արձակեցան ի վերայ վրաց հեծելոյն, և յանխնայ կոտորեցին զնոսա: Իսկ մեծ իշխանն Վարհամ, տէրն Գաղայ, առեալ զաչոյ թէն, և մինչ յերեկոյն զնաց կոտորելով զՏաթառն յանխնայ յարձակմամբ. մինչև առհասարակ լցաւ դաշտն սաղամայ կոտորեսոյ Տաթարով. և ինքն Վարհամ իշխանն Գաղայ իբրև լուաւ զկոտորումն զօրաց թագաւորութեան, յայնժամ մեծապէս տրտմեալ և թողեալ զգործ պատերազմին՝ դարձաւ յամուրս բերդին իւրոյ, որ կոչի Քարհերձ»⁵⁰: Ծակատամարտին Վարհամ Գաղեցու և նրա զորքի մասնակցությունը նույն կերպ է նկարագրում Վարդան Արեւելցին. «Վահրամ տէր Երկրիւ,— գրում է նա,— մեծաւ քաջութեամբ զնաց հանդէսը երեսացն սաստիկ կոտորմամբ՝ մինչև ցԳարդման, չգիտելով զայլոց փախուստն»⁵¹: Վարդան Արեւելցին ևս հիշատակում է Համիդուլայի դավաճանությունն մասին⁵²: Այսպիսով, շնայած Կոտմանի ճակատամարտի ընթացքում Վարհամ Գաղեցու զորքի ունեցած հաջողությունը, հայ-վրացական բանակը, նրա ձախ թևում կատարված դավաճանությունն հետևանքով, ծանր պարտություն կրեց⁵³: Դա ավետեց ավելի քան մեկ դար վերելք ապրող վրացական պետության այժմ արդեն սկիզբ առնող անկումը: Եվ պատահական չէ, որ վրաց պատմիչը գրել է. «սկսվեց բարձր ու անվանի դավթյան հաղթող զորշի երջանիկ ճակատագրի անկումը»⁵⁴:

Կոտմանի ճակատամարտից հետո մոնղոլներն ասպատակեցին Վահրամյանների տիրություններն ու Աղվանքի հարուստ քաղաքները, սկողոպտեցին... բոլորը, որ առաջ նրանց կողմից շէր կողոպտվել»⁵⁵: Մեկ տարի անց՝ 1222 թ. սկզբին, նրանք նորից շարժվեցին վրացական պետության վրա և Վահրամ-

⁵⁰ Մ ա դ ա թ ի ա ա ռ է զ ա, էջ 5—6: Գրիգոր Ականացին հայ-վրացական զորքի թիվը նաշում է 60 հազար. իսկ «Վրաց ժամանակագրությունը»՝ արքունի զորքերի թիվը. առանց Իվանե աթաբեկի, Վաճառ Գաղեցու ու Շահնշահի զորքերի, 90 հազար (էջ 55), որը չափազանցություն է: Իրապատում է Գրիգոր Ականացին:

⁵¹ Վ ա ռ դ ա ն Ա ռ է Վ լ լ լ լ լ, էջ 142:

⁵² Ի դ ե ս, Կիրակոս Գանձակեցին ևս չիշխումով է Համիդուլայ անունով մի իշխանի (էջ 222), որին Ռուսոդան Սաղուհին (1222—1245) որպես ղեկավար ուղարկել էր Բաթուխանի մոտ: Սա, հավանաբար, վերոհիշյալ Համիդուլան չէ, քանի որ միջնորդել է Բաթուխանի առաջ՝ Իվանե աթաբեկի ազդիկ Քաթմայի տիրությունները նրան վերադարձնելու մասին և այդպես էլ արվել է: Դժվար թե նա հօգուտ իր թշնամու աղջկա նման քայլ կատարեր:

⁵³ Ի ռ ն ա յ-Ա ս ի ռ (էջ 1:8) հայ-վրացական զորքերի պարտությունը բացատրում է այն քանով, որ նրանք չոգնելով մարտի սկզբում իրենց զեմ եետված նասիր աղ-Գին Ակ-Կուշի իրոսանների ղեմ կոմիլիս, այնուհետև չկարողացան դիմագրավել մարտադաշտ մտած մոնղոլական շեծնազորին:

⁵⁴ «Վրաց ժամանակագրություն», էջ 56:

⁵⁵ И Г Н а п-А с н р, с. 138.

յաններին իշխանությունն ավերելով հասան հունանի դաշտավայր։ Այդտեղ տեղի ունեցած ճակատամարտում կիրառելով դարանի տակտիկա, մոնղոլները նորից ջախջախեցին հայ-վրացական զորքերին՝ կոտորելով 30 հազար մարդ⁵⁶։ Դրանից հետո մոնղոլներն ավերելով Շամախին, անցան Հյուսիսային Կովկաս, ապա վերադարձան հայրենիք, հաջողությամբ կատարելով իրենց վրա դրված խնդիրները։

Մոնղոլների հետախուզական այս արշավանքը, որն անհամար շարիքներ բերեց Անդրկովկասի ժողովուրդներին, սոսկալի ավերածություններ պատճառեց մասնավորապես Վահրամյանների իշխանությանը, որովհետև այն դարձել էր հայ-վրացական և մոնղոլական բանակների միջև ընթացող պատերազմական դործողությունների թատերաբեմ։ Այդուհանդերձ, ինչպես դիպուկ նկատել է Հ. Մանանդյանը, «մոնղոլների 1220—1223 թթ. վերոհիշյալ արշավանքը նախերգանքն էր նոր և ավելի աղետալի փորձանքների, որոնց ենթարկվելու էին Վրաստանն ու Հայաստանը և սրանց հարևան երկրները»⁵⁷։ Վրացական թագավորությունը դեռ ուշքի չէր եկել մոնղոլների հարվածներից, երբ իր զորքերով Անդրկովկաս ներխուժեց խորեզմշահ Մուհամմադի որդի Ջալալ էդ-Դինը, նսլատակ հետապնդելով տեղի և Հարավային Ադրբեջանի ուժերից հակամոնղոլական ճակատ ստեղծելու Սակայն ապագան ցույց տվեց, որ նա իր անխոհեմ և մահմեդական ֆանատիզմով ուղեկցվող ավազակաբարո զործունեությամբ լուր պարարտ հող ստեղծեց թե՛ իր անփառունակ կործանման, թե՛ այդ շրջանները հետագայում մոնղոլների կողմից դյուրին նվաճվելու համար։ Ի դեպ, մոնղոլները, իրենց հերթին, ջախջախելով Անդրկովկասի դիմադրողական ուժերը, դյուրացրել էին Ջալալ էդ-Դինի կողմից այդ երկրամասի նվաճումը։ Ադրբեջանին տիրելու համար նա իրավական հիմք դարձրեց Ուղբեկի՝ իր հորից ունեցած վասալական կախումը, առաջ 1225 թ. արշավեց վրացական պետության վրա և նույն թվականի սեպտեմբերի կեսերին Գառնիի մոտ ջախջախեց Բվանե աթաբեկի զխավորած հայ-վրացական զորքերին։ Այդ ճակատամարտին, ըստ երևույթին, Վահրամ Եադեցին իր զորքերով չէր մասնակցել, շնայած, համաձայն «Վրաց ժամանակագրության», նա էր Բվանե աթաբեկի հետ միասին Ռուսուդան թագուհուն՝ 1222 թ. վախճանված Գեորգի Լաշայի քրոջը, տեղեկացրել «խորեզմացիների և անձամբ մեծն սուլթան Ջալալեդդինի գալը՝ կոտորելու և ջնջելու քրիստոնյաններին»⁵⁸։ Այս ճակատամարտից հետո Ջալալ էդ-Դինը սկսեց ասպատակել Հյուսիսային Հայաստանն ու Արևելյան Վրաստանը։ Նա «ավերեց Դվինի ամբողջ երկիրը, Դվինի քուստը, ողջ Անին, Սոմխիթը, Իազը՝ մինչև Գանձալ, Շամհուրը։ Մինչ այդ Շամքորն ու մերձակա երկրները պատկանում էին Վահրամ Գագեցուն՝ խելամիտ ու արշավանքներում նշանավոր մարդուն»⁵⁹։ Այ-

56 Рашид ад-Дин, т. I, кн. II, с. 228. Կիրակոս Գանձակեցի, էջ 203։

57 Հ. Մանանդյան, նշվ. աշխ., հ. Գ, էջ 187։

58 Կիրակոս Գանձակեցի, էջ 225, Մխիթար Այրիվանեցի, էջ 66, «Պատմություն նահանգին Սիսական արարեալ Ստեփաննոսի Օրբելեան արքեպիսկոպոսի Սիւնեաց», Թիֆլիս, 1910, էջ 339, «Վրաց ժամանակագրություն», էջ 60—61, Ибн ал-Асир, с. 156—157 և ուրիշներ։

59 «Վրաց ժամանակագրություն», էջ 62—64։

60 Նույն տեղում, էջ 62։

նույնտեղ Ջալալ էդ-Դինն արշավեց դեպի Տփլիս և գրավեց այն: Համաձայն Վարդան Արևելցու, Գագի զաշտավայրով, այսինքն՝ Վահրամյանների իշխանության վրայով, կատարված այդ արշավանքը տեղի է ունեցել Գառնիի ճակատամարտից չորս ամի միոյս⁶¹։ Այդ ընթացքում Վահրամյանների իշխանությունը ոչ միայն ավերվեց ու կողոպտվեց, այլև մասնատվեց, որովհետև, ան-Նասիվու վկայությամբ, Ջալալ էդ-Դինը Շամքորը Վահրամ Գագեցուց խլելով, Գանձակի, Բայլականի, Բարդայի և Շատուրի հետ միասին հանձնեց իր մերձավորներից էմիր Ուր-խանին (ըստ Կիրակոս Գանձակեցու՝ Օրդան)⁶² ի տիրապետություն⁶³։ Չհամաձայնելով Շամքորը կորցնելու մտքի հետ և ոգտվելով Ջալալ էդ-Դինի բացակայությունից (վերջինս գտնվում էր Իլաքում), Վահրամ Գագեցին 1227 թ. մի քանի հաջող հարձակումներ է գործում Ուր-խանի տիրությունների վրա: Համաձայն այդ իրադարձությունների ականատես և ականջալուր ան-Նասիվու, 1228 թ., «երբ սուլթանը (Ջալալ էդ-Դինը—Ա. Շ.) վերադարձավ, Վահրամի վրա շատ բողոքներ կուտակվեցին: Սուլթանը շարժվեց նրա վրա մեծ ուժերով և բյուր զինվորներով: Ջորքերը վրաներիով և գումակներով սփռվեցին Վահրամի մարզի տարբեր տեղերում, կողոպտելով այն, վառելով, սպանելով և քշելով [բնակիչներին]։ Ջորքերը խլեցին նրանցից այն ամենը, ինչ թաքցված և ծածկված էր, նրանց նետելով սարերի զազաթներից և լեռնային բարձրունքներից: Սուլթանը գնաց Շաքքան բերդի վրա, վերցրեց այն շնորհիվ ուժի ու կարողության և վառեց նրա պաշտպաններին կրակով: Այնուհետև նա այդտեղից գնաց դեպի Թաթմա թագուհուն պատկանող Ալիաբադ բերդը: Նա արագորեն վերցրեց բերդը, ծնչեց նրա ուժերը, կոտորեց նրա բնակիչներին և արեց այնտեղ այն, ինչ ուզում էր: Այնուհետև նա գնաց դեպի Գագ և Քավազին բերդերը և դրանք երեք ամիս պաշարեց. վրացիների դրությունը դարձավ դժվարին, և նրանք որոշակի գումարի [փրկագնի] միջոցով խաղաղություն խնդրեցին, որը նրանք խոստանում էին անմիջապես վճարել: Այդ առթիվ միջնորդները բանակցություններ վարեցին. այնուհետև փողերը տրվեցին և [սուլթանը] շարժվեց, որպեսզի սկսի յուր յաջարումը⁶⁴։ Վահրամյանների իշխանության համար չափազանց ծանր հետևանքներ ունեցած այս արշավանքի մասին, որի ընթացքում է, մեր խորին համոզմամբ, «ի Ջալալադին սուլթանին հինից»⁶⁵ ավերվել հորանաշատի վանքը, գրել են նաև ալ-Այնին⁶⁶ ու Իբն-Խալդունը⁶⁷։

Ուշագրավ է, որ վերջինս ան-Նասիվուն համառոտ կրկնելով հանդերձ, նշում է, որ Քավազին բերդը պաշարելու համար Ջալալ էդ-Դինն ուղարկել էր

61 Վարդան Արևելցի, էջ 143։

62 Կիրակոս Գանձակեցի, էջ 226։

63 а н-Н а с и в и, с. 163.

64 Նույն տեղում, էջ 226։

65 Կիրակոս Գանձակեցի, էջ 244։

66 Ленинградское отделение Института востоковедения АН СССР, рукопись С 350, л. 26а.

ابن خلدون، المعبر و الديوان المبتدا و الخمر، مجلد ٥، بيروت ١٩٥٩، ص ٢٩٦

իր վեցերին՝ Շարաֆ ալ-Մուլքին⁶⁸։ Այս հանգամանքը հիմք է տալիս պնդելու, որ XIV դ. երկրորդ կեսին ապրած և 1405 թ. մահացած Իբն-Խալիդունն օգտվել է այս իրադարձություններն արձանագրած մի այլ աղբյուրից, քանի որ ալ-Այնին ոչինչ չի ավելացնում ան-Նասիվու պատմածին։ Մնում է միայն դարձանալ, թե ինչու ժամանակի հայ-վրացական աղբյուրները գոնե որևէ ակնարկ չեն անում Վահրամյանների իշխանության վրա Ջալալ էդ-Դինի ձեռնարկած այս պատժիչ արշավանքի մասին։

Ջալալ էդ-Դինի կողմից Տփլիսը զրավվելուց հետո վրաց արքունիքը, որի ղուլխ կանգնած էր Քութախում ասպաստանած Թուսուղան թագունին, փաստորեն ոչինչ չէր անում թշնամուն կազմակերպված հակահարված տալու համար, իսկ առանձին իշխանների էլյթներն էլ, բնականաբար, հաջողության հասնել չէին կարող, ինչպես դա երևաց Վահրամ Գագեցու օրինակով։ Ավելին, դրանք ծանր հետևանքներ էին ունենում փաստորեն անսպաշտպան բնակչության համար։ Այս իրավիճակին վերջ տրվեց 1231 թ. օգոստոսին, երբ Ջալալ էդ-Դինի հրոսակախմբերի մնացորդներին մոնղոլները Մայաֆարկինի մոտ ջախջախեցին, իսկ ինքն էլ Այն-բար գյուղի մոտ սպանվեց ինչ-որ քրդի կողմից⁶⁹։ Միայն դրանից հետո է, որ վրացական պետությունը առժամանակ մի փոքր շունչ առավ, իսկ Վահրամ Գագեցին Շամքորը կրկին միացրեց իր տիրույթներին։ Ամենայն հավանականությամբ, այս հանգամանքը նկատի ունի Կիրակոս Գանձակեցին, երբ, նկարագրելով մոնղոլական երկրորդ արշավանքի ժամանակ Շամքորի զրավումը, նշում է, թե թիսկ քաղաքն (Շամքորը — Ա. Շ.) յայնժամ էր ընդ իշխանութեամբ Վահրամայ և որդւոյ իւրոյ Աղբուղային, զոր առեալ էին յառաջագոյն ի պարսկաց⁷⁰։

Այսպիսով, ինչպես տեսանք, XIII դ. առաջին երկու տասնամյակների ընթացքում վերելք ապրող և շարունակ հզորացող Վահրամյանների իշխանությունը 1220-ական թվականներից սկսած բռնեց թուլացման ուղին։ Դա պայմանավորված էր մոնղոլական արշավանքով և Ջալալ էդ-Դինի նվաճումներով, որոնց ընթացքում Վահրամյանների իշխանությունն իր դիրքի պատճառով տառացիորեն ոտնատակ տրվեց թե՛ մոնղոլական և թե՛ Ջալալ էդ-Դինի զորքերի կողմից։ Եվ ամենևին պատահական չպետք է համարել այս հանգամանքը, որ այդ ընթացքում մոնղոլների ու խորեզմյան հրոսակախմբերի դեմ մեծ եռանդով պայքարած Վահրամ Գագեցին, որի զորքը «բնականաբար կաղմված կլիներ զարդմանցիներից, քարհրձցիներից, երգեանցիներից, տավուշիներից, կածարեթցիներից, տերունականցիներից, գագեցիներից և այլն, մի խոսքով հիմնականում հայերից»⁷¹, մի քանի տարի անց՝ մոնղոլների երկրորդ արշավանքի ժամանակ, նրանց դիմադրելու և ոչ մի քայլ չկատարեց ու հպատակվեց նրանց։

⁶⁸ Նույն տեղում։

⁶⁹ А. Н. Насиби, с. 294 и сл.

⁷⁰ Կիրակոս Գանձակեցի, էջ 242։

⁷¹ «Վրաց ժամանակագրություն», էջ 31։

КНЯЖЕСТВО ВАГРАМИДОВ В ПЕРИОД РАЗВЕДЫВАТЕЛЬНОГО ПОХОДА МОНГОЛОВ И ЗАВОЕВАНИЙ ДЖАЛАЛ ЭД-ДИНА

АРТАШЕС ШАХНАЗАРЯН

Резюме

В конце XII—начале XIII вв. на значительной части территории областей Тавуш, Гардман, Парисос и Шакашен Исторической Армении образовалось княжество Ваграмидов, достигшее в конце 1210-х годов апогея своего могущества. Этому во многом способствовало освобождение в 1216/1217 г. г. Шамкор ваграмидским князем Ваграмом Гагеци от сельджуков. Однако разведывательный поход монголов (1220—1223) и завоевания Джалал эд-Дина (1225—1231), сопровождавшиеся разорением и опустошением особенно княжества Ваграмидов, привели к сильному ослаблению этого некогда могущественного княжества. Этим, в частности, объясняется то, что князь Ваграм Гагеци, развернувший в рассматриваемый период активную борьбу против иноземных захватчиков, в скором времени без всякого сопротивления признал монгольское владычество.